

Ўзмджстә ўкрч

Яшкульск района, 108 номертә совхозин 4-ч фермд ах ўкрч болдж Галзна Корнджан кӧдлджәнә. Тавн-зургъан сарин әргцл хәләджәсн 180 бод маласвь нег чигн гару уга бәәнә. Ўвл дулан болсн учрар Галзна гарт бәәх бод мал мел хәрүллгънд йовна. Ўвлд гидж зӧӧдж белдгдсн ӧвсн бӱклд хашалгъата бәәнә.

Ӧрүн 6 часла малмудтан, услхинь ӧмн, солом ӧгнә. Туўнә хӧӧн услад, сән идгтә газрт кӱргдж, асхн 8 час кӱртл хәрүлнә. Мал хондг кевтрнь хагсу сән.

Галзна Корнджаниг дахдж Малаша Гәрә болн Кичгә Коунаш кӧдлнә. Эдн кӧдлмштән йир ниитә. Эднә хәләджәсн малас ӧнъгрсн намр махнд 25 бод ӧггдв. Туўнәс таргън болдж 4 бод орв, дундинәс улу болдж 16 болн 4 дундин болдж ӧггдв. Таргън сән мал махнд орулдж ӧгснднь, ўкр болгънас 30 арслнь мӧрә гидж эднд ӧггдв. Эднәс улгӱр авч шундк кӧдлтн.

Т. КИЧИКОВ

Мана корреспондент.